

## Musæi Metallici. Lib. I.

183

A Ioachimica plumbum candidum purissimum effoditur. Item ramenta huius metalli in riuis colliguntur, dum lapilli huius generis minutii crocci, purpurei, virides, & nigri per flumina deferruntur. Amplius nigri mediocres in metallico sunt marmore & venæ huius metalli cum cadmia metallica copulata sèpè etiam obseruantur.

## P R A E P A R A N D I R A T I O.

D E varijs excoquedarum stanni vñarum modis Georgius Agricola prolixum sermonem habuit. Verùm posteaquam excoctum est, rursus liquato sebum, aut ceram, aut mel addunt, donec ha res additæ comburantur, deinde metal- lum in aquam effunditur, & siccatum acribus lauatur aquis, donec argenteum cando- rem adipiscatur. Nonnulli Opifices stanno modicam plumbi nigri portionem permi- scerent, vel vt illud adulterent, vel forsan vt melius ex illo varia opera fabricari possint, B quoniam stannum per se minus tractabile obseruat. Alij portionem plumbi cinerei in gratiam splendoris & leuitatis cum stanno fundunt. Sunt qui quartam Orichalci partem plumbō candido addunt, & ex his simul fusis talia formant vasa, vt argento similia esse videantur. Quoniam verò stannum, dum flectitur, stridorem quemdam edit, illius preparatio expostulat, vt, ad mentem Portæ, hac ratione tollatur, si septies in vrina pueri, & tertiè in oleo auellanaruim extinguatur. Præterea sunt qui post primam stanni excoctionem, illud in nobilius metallum, veluti in argentum transmu- Stanni Stridor ve rollatnr. tare coantur, sed ha operationes apud Portam legantur. Demùm sunt quidam Chy- L.5. Mag. mici, qui spiritum ex stanno elicere, & surditatem ei adimere profitentur, de quibus Nar.ca.1. Lib.10. de Secr. operationibus, & præparationibus Ruecherius verba fecit.

## L O C V S.

C INTER regiones loci natalis Stanni primò recensetur Aethiopia, & Aldebergum in Misnia plumbi candidi fertile. Immò copiosum hodie ex insula Angelica de- fertur. Anglia etiam est Stanni feracissima, sed ibi locus est Cornualia nuncupatus, vbi stannum tam perfectum nascitur, vt, ex sententia Boteri, purissimum argentum amuletur. in Bauaria Stannum habet locum natalem penes fastigium montis Hortopæ. Ultra Britanniam in insula Mitteria nuncupata candidum plumbum prouenit, vt in Calepino legitur. Insula postea Cassiterides opibus Stanni sunt ditatae, vnde proprium nomen inuenierunt. Inter Cinæ opulentias Stannum recensetur, quod ibi eruitur, vt in Historia Cinæ Aluarus Iesuita memorauit. Flandria nonnulla loca opti- mam stanni mineram præbent. Flacchealdi, anno quadragesimo nono post sesqui- millesimum, massa duorum librarum plumbi candidi purissimi effossa est, quæ formam echini terrestris repræsentabat, vt Georgius Fabritius in libro de metallicis asseuera- uit. Hinc patet falsam esse illorum opinionem, qui primum metallum ab excoctione plumbi nigri dimanans, Stannum esse voluerunt. Ad summitatem montis Fictelbergi, D Stannum inuenitur, & montes Foroiulianæ regionis eodem abundant. Hodie in Gallijs, & in quibusdam Germaniæ partibus abundantissima est Stanni vena, sed mollior, quam in Anglia obseruatur. In Gallætiæ arenosa tellure, colorisque nigri, quæ pondere tantum cognoscitur, stannum inuenitur; ideoq; Metallarij arenas illas lauant, & quod in fundo subsidet, ope fornacis, in Stannum conuertunt. Grauperi, vt habetur in Colinographia vniuersali, magna Stanni quantitas effoditur. In Promontorio, quod olim Helena dicebatur, nunc verò Cornubia, Stanni vena reperitur, vt Stephanus Aqueus in Plinium obseruavit. Hispaniæ populi Artabri, in extremis fini- bus Lusitanie, ab Artabro vicino Promontorio denominati, vt notat Calepinus, fa- cultatibus Stanni affluunt. In valle Diui Ioachimi vena Stanni pura, & impura effo- ditur. Apud Lusitanos Stannum gignitur Peræ non Stannum tantum, sed multa etiam copia Calæcum materia Stanno simillima, veluti etiam in Gunfalan eiusdem tractus lo- co, ad Circium, producitur. Boterus Regioni Siam stanni mineram, & montibus Sa- matra assignat; Denique Visabar, ex Ortelio, locus est, vnde quantitas stanni aliò de- fertur.

Q 2 MC-

